

Соколёнок



5/2022

сентябрь – октябрь



# Пази

0+

КҮЙ ВАЗЛИК САБАН БИЦИДАРИЗ АДАБГҮРАЙИ ДАГЬУСТАН РЕСПУБЛИКАЙИН ЖУРНАЛ



# БОЛГРДИ ГОРДГОЧ СУРАМОУР



Цэвэр эрэгийн манжийн тар

## Сүмчрийн мядлийн тар

### Яр – яр

Син

Адахлууйин чвур фуж вуяв,  
Яр – яр?

Келегъайин ранг фу вуяв,  
Яр – яр?

Гъюдраз ухшар духьну ава.  
Яр – яр?

ТИрхуз гъязур шули айва,  
Яр – яр?

МучIу хулаь лампа шулу,  
Яр – яр?

Буш суфрана хунча шулу,  
Яр – яр?


Ригъун цIирар унчIвиь айи,  
Яр – яр?


Вазлин аквар муҳрий айи,  
Яр – яр?

Жут жейранар лицуру,  
Дабалгнайи багъ ву юрд,  
Яр – яр.

Нирар, жакъвар рагури  
Кюкиирихъди ккапIна кьюрд,  
Яр – яр.

Син





\*\*\*

— Адахлуйин ччвур фуж вуяв?  
Яр — яр?  
— Келегъайн ранг фу вуяв?  
Яр — яр?  
— Гъюдраз ухшар духьну ава,  
Яр — яр?  
Тирхуз гъязур шули айва?  
Яр — ар?  
— Фуну багъдин кюкю вува?  
Яр — яр?  
Фуну багъдин йимиш вува?  
Яр — яр?  
— Мучу хулаъ лампа шулу.  
Яр — яр?  
Ичи хулаз хунча шулу.  
Яр — яр?  
— Ригъун царцар инчнаъ айи,  
Яр — яр?  
Вазлин аквар мухриъ айи.  
Яр — яр?



Гъюра жамрар дичІвалди,  
Урнар тІапІай, гъавумар.  
Чүнгри йивай дирбашди,  
Бегъем хьиди шадвалар.

Вазсир ваз ву риш Аминат,  
Альдиз наз вуй швушв Аминат.  
Пирцдин қІакІнаъ шул Аминат,  
Сумчрин къялаъ шул Аминат.

Альдин улихъ хунча шул,  
Аминат!  
Абхъру гъуйиз гъяча шул,  
Аминат!


Раккин тІапІну риш тувай,  
Залумар!  
Пирп'ин дитну швушв гъахру,  
Гъавумар!

Хялирна сумчир учвуз  
Залумар!  
Швушв гъахурча, баркаллагъ,  
Гъавумар!

Арсан зангнаъ лик ивуз,  
Гъязур ишри, гъи ич швушв.  
Гиявдихъди хал балгуз,  
Гъязур ишри гъи ич швушв.

Мяъли, гарчил, рабхру даф,  
Жамрин уррай, гъарсаб гаф.  
А дамахнаъ шадвалин,  
Гъязур вучашв гъахуз.

Мяракайъна сюгъбатдиъ,  
Лайикъ вуйич швушв адназ,  
Шамар кархыну хунчайиъ  
Дивна, швушван авазназ.



Сумчриз гъюрин теклиф дарди,  
Хъинца – хъинца<sup>1</sup>, Мегъмер хъинца.  
Ялхъван маплан нубат дарди,  
Къайда чюбгъюз даршул хъинца.

Уьру гъавакъ дархи хъинца,  
Зурнин сеснахъ гъафи хъинца,  
Нитифин паяр артухъ ккунди,  
Тлавак<sup>2</sup> дархи Мегъмер хъинца.

1 Хъинца – теклиф даршра, сумчриз гъафир.

2 ТлавакI – аварши, нитиф айи мяжмягъ.



# Башылдаориз Мардакълу Көйгүйір

## Аминатдин ва Гъялимдин Уымрикан...

ГвачІиндін хайрап ишри, йиз бицІи дустар! Гъудужвру вахт дубхъна. Гъялимра Аминат биІидарин баҳчайиз гъягъюз гъязур шула. Дуарин гъийин йигъ ужуб, гъар жюрейин гъядисирихъди ва ляхнарихъди абцІнайиб шулу дупну умуд кивурхъя!

Гъудужвган дураги чиб дахънайи аыхин дюз апІуру.

Шарап дужвурхну, Аминатди да-дайихъди чаз кушар урхуз гъитру.

ГвачІни гъудужв-  
ган, силбар жиқІуз  
кІваълан гъархну  
ккундар.



Гъялимди чан силбар шюше укІарин ниъ хъайи силбарин паста-  
ийихъди марцц апІуру.

Аминатдиз йимишарин ниъ хъайи силбарин паста къабулди ву. Дугъу, паста чан щеткайин алапІну, чан чве Гъялимдизра паста щеткайин алапІуз кюмек апІуру.

Аъзиз бицІи дуст! Яв дустариз уву-  
ра кидибит, гвачІни гъудужвган уву  
гъапІри шулуш, яв гвачІин Гъялим-  
динна Аминатдин гвачІндиз ухша-  
руб вуш...

Учвуз аъгъяйчвуз, бицІи ду-  
стар, Аминатна Гъялим гвачІиндін  
уъл дирипІди, бицІидарин баҳчайиз  
гъягъюри шулдар, гъаз гъапиш дура-  
риз тамашайир апІуз, жаргъуз, айир-  
бабариз кюмек апІуз къувват

лазим ву. Уъл дирипІиш,  
къувват наънан гъюру?!

Учвуз, бицІидар,  
гвачІиндін уъл ипІуз  
ккуниб вуйчвуз?

Хураг удуудубзды, ипІруб суфрайиина ада-  
дабхъди дипІну ккунду.

ГвачІинган бицІи-  
дариz никк кубзнайи  
аш ккунди шулу.

Учвуз, йиз бицІи  
дустар, уъл ипІрган,  
учву фици гъахуруш,  
аъгъяйчвуз?



Гъамус йипай, уъл ипIруган фу дапIну ккундаш.

1. Зарбди пIялчIар дапIну ккундар.
2. Суфрайикан вая палтарикан хилар марцц дапIну ккундар.
3. Дикъатлуди хураг дадмиш дапIну, дипIну ккудубкIган, чухсагъул дупну ккунду.
4. Дишла, аъхю чукI кадабтIну, ушвниъ убшрукъан убжну ккунду.

Гъялимдиз дюзди шиш бисузра аъгъя. Гъялимдина Аминатди суфрайихъ гъапIраш, кидибтай.

Агъакерим

Агъабадашев

# Сир-Дагъ

Хъана Шябукири ккун гъапту  
Асландикан пуб ихтилат.  
Альуктири гафар гъапту  
Ккунивалкан Ватан, миллет:

«Къад йислан Гъяснан бай  
Аслан, хъадакну гъафи Сир-дагъдиз.  
Хъюгъю думу гъадму йисан  
Гъул илттибкуз гюзел багъдиз.

Му Сир-дагъдин гъарсаб хулаъ,  
Улхуз хъюгъу му касдикан.  
Куш-куш абхъу вари гъулаъ,  
Гъерхри, хъерхри гъарсабдикан.

Къабир, жигъил гъулан вари  
Гъюри, мугъ'ин улуркънийи.  
— Фидкан гъурхнуш йипа ари, —  
Къури, мугъак кудукънийи.

Ургуб чалра аygъай мугъаз —  
Аслагъ хъадрахъди улхуйи.  
Фициб вушра дафтар, кагъаз,  
Гъавриъ ахъруси урхуйи.

«Ихъ революция!» къури,  
Хъюгъюй думу гафар аптуз.  
Гъаврикк ккаърай жям'асть вари,  
Уъмур къан'ан дигиши аптуз.

Му кас дуфну айир вуйи  
Дюзмиш аптуз гъулан ляхин.  
Ерси гъулар аптуз цийи,  
Гъаур вуйи партияйи.



«Ужудар ву ихъ гъуландар,  
Күйи гъарган Асланди, —  
Ляхнис ву дурар к'убандар —  
Гъайиф гъузуз авамди.

К'ажар дапІну фуж гъахъну чагъ?  
Гъамура ухъуз аygъдарин?  
Гъялал касдиз вува алчагъ  
К'иурур, ухъуз къутІкълир дарин?

Узуз аygъю ургуб альам  
МютІюгъ хьиди инсанариз.  
Гъялал мутму гъапІдар гъярам,  
Даккун хьиди варидализ.»

— Пагъ, хуб аьяндар кас дарин,  
Күйи гъулан гизафдари.  
— Ахъю устад ву кучІларин, —  
Дупну гъитуйи садари.

Гъулан малла Залумхандиз  
Му дяркънукаан гъич к'ундайи.  
К'ул йивруси ахъю гъвандиз,  
Мугъан багахъна гъюрдайи.

«Ярхла шагъриан му гъафир  
Лап динсуз ву, — к'уйи дугъу.

— Наънан адахъну му кяфир?  
Жанаврин ранг алир ругъу».

Йигъар, вазар гъушу гъамци  
Асландиз му к'ярягъюри,  
К'астар адай дугъаз марцци,  
К'ару хъютси альяргъюри.

— Малла Залумхан рякъдарки, —  
Гъапи сад йигъан Асланди.  
— Гъач дупнура гъафундарки,  
Адайк'ан мугъаз мажалди?

«Гъаз вуйк'ан яв ярхи жаттул<sup>1</sup>, —  
Гъапи дустарикан сари.  
— Фици гъахънуш дугъан хтул,  
Хъасин шулзуз аygъю вари.

Сар чвекъан дугъак кулхрадар,  
Санур-сариз душман духъна.  
Мушваъ жараб фук'а адар,  
Халкъдиз думу даккун духъна.

1 Ж а т т у л — гизаф ярхи кас.



Инсанарси саймииш апІдар  
Гъулан касибар гъич саркъан.  
Мугъан машина дийгъур адар,  
Гъаму дагъдиль бицІи бакъан».

Асландиз гъич къара гъафдар –  
Хул’ан члатна му удучІвнийи.  
Рякъюз ккуунди ярхи кафттар,  
Мистаккна му ккуудучІвнийи.

Залумхандин ярхи палтар  
Мигърабдигъян<sup>2</sup> гъитІигънайи.  
Ади хилиъ кябин дафттар,  
Мистакк думу дийигънайи.

Мугъу уьру ягъли бакка,  
Саб турбаси, улубкІнайи.  
Баккайнин къяллан, чалмаси,  
Лизи парчи илбижнайи.

Мугъ’ин али кІару чуха  
Жилик кубкІри ай ярхиди.  
Жан рябкъюйи хъади арха, –  
Шубуб метрикъан ягълиди.


Хуш-беш апІуз лап даргънузи,  
Сар-сарин хилар гъидису.  
Аслан, сацІиб кІул ибхнузи,  
Мугъахъинди саб илдицу:

– Фици вуяв кефийир, халу? –  
Аъраб чал’инди кутІукъу.  
Машнаан духъну саб къалу,  
Хъял дуфну мугъаъ утІукъу:

«Бес ву, аygъюб увуз адарди,  
Халкъарин юкІвар гъиригъуб,  
Саб кеспира вук ктарди,  
Мистакк дусну ву илиргъуб.

КучІлар кІури касиб халкъар,  
Ав бес ву, гъапІуб алдатмиш.  
Вардиз гъивну диндин дуркъар,  
Фу гъапІунва ву яратмиш?

2 М и г ь р а б – Мистан улихъинди кадапІнайи  
гергми цал.



Улихъ хъивну хилин тIубар,  
Курап гъапIда дурарикан,  
Аьси духъна баяр-шубар  
Му яв чIуру ляхнарикан.

Гъамус цIийи «Кантон»<sup>3</sup> дубхъна,  
Гьюкум, закон дапIну дигиш,  
Тарлан, Гъафлан душваш деркнна,  
Дяви апIур нагагъ гъашиш».

ГъючIккан дугъу бицIи китаб,  
Ккубччвну чан хил ккадабгъу.  
Щаркъар айи къутаб-къутаб,  
Хазран хал дидлан алдабгъу.

Китабдин кIаж дапIну уфар,  
Хилин тIубари гъитIишу.  
Мистан кIакIнаъ айи луфар,  
ДитIирхну мугълан илтIишу.

Залумхандиз гъафи лап хъял  
Асдандин му гафарикан:

— АпIарза, — гъапи, — дугъан гъял,  
Гъюру вахтна гъуларикан.

Нагъил апIуб яваш дапIну,  
АльукI хъюгъю рибгъуз аржал.  
ШябукIри саб суал дапIну,  
Тувдар дугъаз аслагъ мажал.

Вахт гъябгъорушра гъавайи,  
Маллайикан хъюгъю улхуз.  
Хъюгъанси шиърихъ Навои,  
Нагъил кадабтIну чан бирхуз:

«Залумханди ху гъапIнийи,  
Му ляхин мици гъидрибтуз.  
Дугъу чIуру къаст гъапIнийи  
Аслан ккахъси йивну йикIуз.

Ярхи тюфенг гъвалакк кабхъну,  
Йишвди-йигъан хъюгъю лицуз;  
Гагъ цалихъ, гагъ рукахъ дахъну,  
Гъациб халават иишв абгуз.

<sup>3</sup> Кантон – район.



Заан гъвани гамдихъ хъурсну,  
Асландихъ мугъу ул хъибтру.  
Абхъну айи рягъниъ дусну,  
Раккнин арайигъ йишв гъибтру.

Лисун вахтна гъайвниинд  
Ярхлаан Аслан гъядяхъу  
Гизаф кескин юргънинд  
Рягънин улихъна адахъу.

Ибар запІну, чав кебгнуси,  
Пурхар апІуз хъюбгъю гъайван.  
Рягънин раккнигъ му ккеънуси,  
Дийигъу духъну лап къяни.

Тюфенг алаъну чан узди,  
Мугъу чахмакиз ккадату.  
Гъайван кІанккан ккутІубччвну,  
Бацар жиликан кадату.

Туп гъивганси гъапІу саб сес,  
Аслан чан гъайвнилан ахъу.  
Алдруси чаин саб нефес,  
Хайлин вахтна мушвахъ дахъу.


Мугъаз гъиву тфенгин гюлле,  
Зангдиъ йивну хъутІубччний.  
Гъайван гъулаз ибхну келле,  
Пирпийр алди утІубччний.

Сарун Аслан гъакІну дупну,  
Залумхан милин гъутІурччву.  
Му Сир-дагъ чан къяляхъ дипну,  
Гъаму ихъ ярквраз кутІурччву.

Гъул'ан Аслан агуз гъюру,  
Гъайван гъебгну дургну айи.  
Чалма кайи бакка уъру,  
Рягънин улихъ дипну айи.

— Залумхандин бакка ву му, —  
Гъапи сари. — Агъ лаф-лафи!  
Аргури, дидрихъган думу,  
Аслан хъади гъулаз гъафи.

(Давам гъюру номериъ.)



**«Плази» журнал Табасаран райондин Хючна гъулан 1-ни лицейиъ гъабхьи «Багъри чIал уьбхюри, ухъу ихь миллетдин хусусивал уьбхюрахъа» кIуру форумдиъ ва президентдин тереф уьбхру Ватанпервалинна-жигъилвалин акцияийиъ иширак гъахьну.**



РЕСПУБЛИКАНСКОГО ФОРУМА  
«Сохранение национальную идентичность»

«Мы все разные, но родом из одной Грузии»



«...меня языки народов - как звезды на небе. Я не хотел бы, чтобы звезды ссыпались в одну огромную, зачумленную пыльницу. Но то есть солнце. Но пусть сияют и звезды. Пусть у каждого будет своя звезда.»

«...люблю свою звезду - мой родной язык. Я верю тем геологам, что и в маленькой горе может оказаться много золота.»





# ЮБИЛЕЙ

Миссиягъямаад Тымшов

## ҮМРИКАН

Сел вуш уымур, лап гъялакди бикъурай,  
Имбударси думу селик кучів вура.  
Гъар вуш уымур, гъаргана мейва хъубърай,  
Шулуш гъаригъ, дарш гъариккъян иихъ вура.

Пагъ даринхъа дюн'я фукъан такабур –  
Ккунириз баҳт, ккунириз тахт айиган.  
Фици кіурдар – ибшри думу гурбагур,  
Я баҳт, я тахт увухъинди адруган.

Кіури шулу – бағажь шулу дагъларра, –  
Му гафарихъ хъугъуз шулдар зат узхъан.  
Инсаныхъан инсан ярхла шулуган,  
Дагъларикан улхуз шулу бес шилхъан??!

Уымрин гъарин цирклар гизаф гъаттарцца,  
Цирклардан лазим дарди меерган.  
Вари цирклар хилиъ дисуз къаст даптну,  
Му яв цирклиң башкъа кымат мудубган.




# ДУСТРАЖЪДИ

Дуст гъидихънуш нагагь увуз суфрайихъ,  
Къимат тувуз даршул дициб дуствалихъ.  
Суфра, чяхир жикъи вахтназ халват ву,  
Амма кІван дуст ярхи умрин девлет ву.

Къюр кас шулу вуча кІури чиб дустар:  
Сари-сариз кІури гъарган нярс къастар.  
Гъадму къюр кас хъана чибтар къорихъди,  
Рякъюъ шулдар имбу вари халкъдихъди.

Таниш шулу къюр жигъил кас чаяхрихъди,  
Гъадму чаяхрин дад жараб ву дустрахъди.  
Дустру дустран тяриф дапІну деребкур,  
Аку умур нагагь сариз даршиш кур.




# ШИЙИ ЙИСАН

Балгруганси уьмрин цирклар,  
Шад шлуси вари наслар,  
Гизаф ишри нурлу йигъар  
Улубкънайи щийи йисан.

Гьюрмат ади агъалиириз,  
Беркет ади хизанариз,  
Кымат ади гъапту ляхнлиз  
Уьмур балгри щийи йисан.

Хулаъ ади веледдин сес,  
Дадин къвакра кади гьевес,  
Мясляльтди гъунши-мирас  
Ибшри гъарган щийи йисан.



# БАЛГУРА ГЪИ ТАБАСАРАН

Улихъинди къалу Чирагъ,  
Къяляхъинди гъунши Гъайтагъ,  
Сабну тереф Рубасдин дагъ –  
Тмунубра – хам Рапак дагъ –  
Гъам арайиъ ккипну гъалав,  
Сари сариз туви ялав,  
Балгурга гъи Табасаран,  
Дугъри элдин гюрчег Ватан.

Шагыидар ву гъам Къаркъул дагъ  
Ва гъамсана Клежюх, Дарвагъ –  
Сати хыиган яв къягъялар  
Фици гъергнуш иран-къушмар.  
Гъадмуганси вуди нубат  
Дугъри дяхниз тууз къувват:  
Гъи албагиш халкъдин гъиллигъ,  
Нурлуб хъибди закурин йигъ.



# Жүрөдег Мұрсөлөв ШТУКАТУР - МАЛЯР - С - ЧИТЕЛЬ

Цци йискъбан ккудубкіру педсовет-  
диз Гъямзат млялим кьюб къути шир хъа-  
ди гъафну.

— Му фу хабар ву, хаб-хабди улуб-  
ччуя якіу? — ктукънийи дугъак чазқын  
бицідарин биши ругна гъакимарин  
чіуру-къутікъилиб хъютіюбкъыну, гъамус,  
чав чаин айлхъруси, «ручной» духънайи  
Рустам млялим. — Жарадари идаририан  
хулаz хъчіюбхюру — гъаму авали мектеб-  
диз ширап хъади дуфна. Фу кІваъ айқан  
яв, хуйин?

Гъямзат жинжалди ккятіялхъюру.

— Явашай учву, — кІуру, — узу ичв ди-  
ван аптарза!

— Мугъу фу вушра апіур. Чру гъиржи-  
ли! — тасдикъ апіуро школиригъ фуж-  
вуш вуди лихурайи Мирзай. — Мугъан  
гъар педсоветдиз саб арфлин галам гъязур  
дапіну шулу, улдугнайдарик кубчвуз.  
Урсарин частушкайкси мугъан.

*Мимо тёщиного дома  
Я без шуток не хожу*

— Аллагъисан, гъаму али ранг-юруш  
фу вуяv? — айхирки адабхъуру, ухдимиidi  
гъатіабцну хил, Гъямзатдихъинди лигу-  
ри дийигънайи гъаз-вуш математикаин  
дарсар гъахурайи физкультурник Исуф-  
диан.

Палат Гъямзатдин, дугъриданра,  
ајжайиib палат алии: йирси хахулар-  
ра ву, хилиъ саб тіуб али айхю рабочий  
бегълийирра дидисна. Палат, дубчча-  
ниib вушра, раствораринна ширапин  
тіамгъири алабціна, амма гъийин  
йигъяз йирси палат алди мектебділь лик



ивур дар гъа, коллективдің варитан галантный мялим ву. Имбудар, алахъну резиндин чекмайир, аптури хъулт-хъулт, хъттибшури гъулан кючииргъ гъяйи пейинна баттур гъюргуган мектебдиз, думу акв йивайиз марцц даптаний туфлийириккди гъюри шуйи, амма дуарин цицикъян кабцын рябкъдайи, хъа гъи, бицидариҳъан уълкъерихъна шарикарихъ гъяргъяр дисру машин тараш гъапту гъилицинацси, дуфна. Исуфди, альхъюри хъзигури, думу чан гъвалхъанра гъуттурккну.

— Гъудучів, гъудучів, — гъапну, — йиз гъвалхъан, биябур маптан узу, циганарин табор!

Баяр альхъюру.

— Алахъну растворарина ширари даршнайи гъяргъяр гъюз, уву штукатур-малар дарва гъа, — давам аптуру Исуфди,

уфар аптури ва кжибкури чан, студентди вуйиган, къад йис мидиз улихъна чав «Детский мир» — диан гъадабгъу костюм, — уву мялим вува, учитель!

— Штукатур — малар — учитель! — да-забгну туб, иливуру Гъямзатди.

— Фици, фици? — альхъюру баяр.

— Штукатур — маляр — учитель! — тек-рар аптуру Гъямзатди. — Саб хили мастерок, гъатмунубди — шир йивру щетка, къацюгъ — китаб бисай, кура ухъуз.

— Я бая, гъаму Чру гъиржлин къваин даршлуб адарда! — хъана альхъюру баяр.

Гъямзат, чру улар иттиргъну рябкъру, гъучубху маш гъяйи чилли жандин адми вуйи. Дергсарина екъвари гъял даптаний ва мархъар-ригъари бегем бирк кутубччнайи саб гъациб ранг гъубшу тип. Шекспирна Пушкин уъл айи турбайиъ, лижан нубат гъабхур.



Хасиятдинра гизаф сикинсуз адми ву, микI гъибккайизра, тЛубччувуз хъюбгъру уршин гъарин кЛажсир.

– Немцу ву сарун, немцу, – альхъюру, гъулариъ чЛаппар масу туври, наан-вуш шагъриъ фу-вуш университет ккудубкIу жигъил Рамис млялим. – Гъарган гъякъярна законар агуз, хабар дар, учв, бабкан шлуган, ганабабаз дашбаш тувну, дюн'яйина гъафир.

– Ай думу ганабабаз фу пузачаз, му имбусан тина итIрикъбан чру гъиржил! – хъзигуру Гъямзатдиз Рустамди. – Чаз ккипуб ипIуз аygъдру ху! Фила уву йивну къасум идипуруш, шлиз аygъя, директори?

Гъямзат хъана жинжалди альхъюру:

– ЧIаянь, – кIуру, – узу сари гъитIу къусмар, гъамус гъи директорихъди учвуз къусум йивуз гъитурза.

– Хъа ву-у! – хилар заргуру Рустамди, – гизаф яв машра кка дугъаз, гъаммишан чак кубччврайири...

Дугъриданра, Гъямзат гъиир дайи гъякимариз. Сад йисан педсоветдиз директор Мухтар-пашайи мектебарин ремонтарикан гъулхнийи. Сифте, аьдат вуйиси, бицIидарин урхбан ва мляммарин дарс кивбан хъуркъувалариан гъапну, хъа кьюб гаф ремонтариканра. Адар, гъапнийи, амдар, гъипIну, хътипIну, аллагъисан, гъарсар млямиди ичв классдиз шир йивай. Миннат гъапIнийи, гъишнийи.

– Ихь школа ву, – гъапнийи, – гъаму гъазма, ихь бицIидар ву гъамшваль урхурай тЛягъвнаара, аллагъисан!.. Шир завхоздихъан бисай, шир гъайиф мапIанай!

ИкибаштIан млямари ваъ гъапундайи. Ужуб гафну гъван гъюдал апIур, кIуру, хъа Гъямзат ужуб гафну, хъадукран ригъди гюнеси, ерцIур вуйи. Дугъу, улихъ гъучIвну, чан класс рас апIуру.

– Гъаз дарапIурхъа, – гъапнийи

дугъу, – тем более жуван тЛягъвнаар аий гъазма вуйиган! Буюр, директор! Мишан!

Дупну ккунду, директорра дугъан бурж камиди гъузундайи: дишла Гъямзат млялим «Доска почёта»-ийк каънийи, варитIан ужуди дарс кивру млялим ву, кIури.

Хъа йисан педсоветдиз бицIидарин урхбан ва Гъямзат млямидин дарс кивбан хъуркъувалариан кьюб гаф дупну, директори мектеб ремонт апIбакан доклад гъурхнийи.

Гъямзатдин, шейтIинси, кIваан гъивнийи, чIух гъапIнийи кIваан. Сачси дарди, Мухтар-Пашайи мляммарикан кюмекра фици-вуш жараси тIалаб гъапIнийи, убхъру жилири хпирихъан птулкайихъ пулси: цIиб тахсирлудиси, хъа гъурд дючIюбкыну:

– Ичв гъазма ву, ичв тЛягъвнаар... ширнан къянайт апIинай!

Директорин улхувалин къайдада гъеебхъган, гизафтар мляммарин кIвантIар ккучIурхнийи, амма ушв тIапIну ачуҳъди гаф апIуз шлу игит арайиз удучIвнудайи. Гъарсар, гъатмунири кIайиз, ккилигурайи, гъарсари учтIан абдал агурайи. Дицир абдал вуди Гъямзат удучIвну. Ах апIуз гъабхъундар чру балхъан.

– Хъа йипа, аххор, – ктукънийи думу, му ляхин ихъ суланна къаби шиван ихтилатдик кайиси рябкъюразуз аххир? Яв тямягъ артухъ-артухъ шуладийбси рябкъюру: сифте раккнихъна, хъа тина-тина, хъа марцахъна, аххирки...

Директор дигиши шулу, имбударра вари дигиши шулу (кьюр-шубури гъеле, Чру бализ кюмек тувуз ккундиси, кIвантIарра ришвиру) хъа варитIан ухди ва яманди дигиши Гъямзат гъахънийи. Дақъикъа улихъна варитIан «образцовый» млялим вуйи думу сабпну «ноль» шулу: асккан-заан апIуру Гъямзат Мух-

тар-Машайи ва «Доска почёта»-йиканра кчIюргъюру. Вари, сач гъакIидарси, ккебехъуру. Гъадму, фу-вуш пуз ккунди, кIантIар гъиришвдара, аларсну гъям-гъямар, чpin хяхийин гараь учIвру.

— Нашёлся тоже мне, самый умный! — урус чIалнина улдучIвуру гьевес кубчIву директор, — Сар ухъу дар, гъи вари гъюкумат гъаци ву...

— Саб гъи дар, му гъюкумат гъарган гъацы ву, — гъюбччуру Гъямзатди, — гъад-диз, баркаван, арайизра удубчIвурадар.

— Душну ихь больницайиз лиг, фициб ремонт дапIнаш, — давам апIурайи Мухтар-пашайи, — вари чpin духтрари гъапIуб ву гъя! А ты как хотел!..

— Я бы хотел, чтоб все было немногого по-другому, по-людски, — ухът ал-дабхъну, жаваб тувру Гъямзатди. — Я бы хотел, чтоб учителя учили, врачи лечили... хлеборобы, к примеру, чтобы хлеб растили... И пусть строители им строят: дома, школы, больницы... Вари цивилизованный дюн'яйиъ аьдат гъа-

циб ву — ухъухъ, аьгъдарзуз, гъаз вари кIул исиндина хабхабди шулуш. Вардари вари апIура, амма сарира фукIара апIурадар!..

Хъайисанра мялимар ремонтар апIуз мажбур апIуру. Гъамус ширар йивбахъна гъякухъди цалар арсубра кибтIру. Хъа шёткийр хул'ан хуз мажбур апIуру... яна мялимдиз гъюкуматдин идара ремонт апIуб, маллайиз чахъ хъайи хъуб гъудган апIубтIан, фарз вуйи ляхин вуди гъисаб апIуз хъюгъру. Думу «передовой опыт», думу «коммунистический почин» вари рангарин ва бабатарин гъакимариз къабул шулу. Шадну йихуру, хуйин баяр, аьжаб бабалийр гъидихъунчуз, кIури. Дарди шулинхъа — пулра йишв'ин гъубзра, ляхинра гъябгъюра: помадайихъди гъучIурху къаби дамайин гъициркъу кIантIарси, ширарихъдина гъякухъди йисан-йисан дутIнайи къуларна, гандирж гъиву рукъарна тарагънайи цалар арсурса. Ремонт апIура!

(Давам гъюру номериг.)



Зумруд

Жанмагамадова

# Чедучи амчейин мялимдиз

Юків хъивну, дарс кив тялимдиз,  
Бизар дарди билиг тувуз.  
Урхурайдар вартан аьзиз,  
Духыну ккунду увуз, мялим.

Аygью апин ужуб-харжиб,  
Илимдин дад вуйиб ицциб.  
Веледарси жвуваң багъри,  
Вердиш апин дураг, мялим.

Баяр мургу асланарси,  
Шубар сивун жейранарси,  
Мукъоф ади гъарсаб ляхниъ,  
Насигъят тув, уву мялим.

Улуп илимдин гюзельвал,  
Бахтлу хъуз гъарурин кІван хал.  
Даршлуси уымраиъ пашман,  
Гъудуркъу ксар кадаъ, мялим.



# Гаф

Дердер-гъамар яв кІваъ гизаф уч духънаш,  
Уву гъапІу зегъметтарра гъюдучІвнаш,  
Шликна вушра яв дердийр гъял мапІана,  
Даршиш увухъ чпин цІикбиз рякъ рибгъиди.



Мерд инсанди увукна гаф ужуб, кІур,  
Уларин акв гафну артухъра апІур.  
ГъавайихътІан, ширин сюгъбатнахъ хъпехърур,  
Къабул шулу варидализ улхрган.



Мяракийирий дерин гафар кІурудар  
Думукъанди ихъ арайиъ шлудар дар.  
Вушра гафнак мяна, къувват кайдар  
Гъахъиш, гъадри апІуб гъюрмат лишан ву.

Гафниинди инсан фуж вуш аygъю шул,  
Гаф аygъюдар кахъру алидариk кІул.  
Гафнан устад наан ашра гъюрматлур  
Шулу халкъдиз. Дивди чалнаъ ядигар.



# ЧОНГЮР

Мухрий ипну гъиву чонгюр ашкъвари,  
Мюгьюбатнан гужли зегьмет ашкъврагин.  
Ширин сесер рахурайи ничхрагин,  
Багъш гъаплнийи мукъмин устад чонгрийи.

Дявдиз чонгрийир гъурхунчва, къягъялар,  
Арчуулбдихъ – чонгюр, гагул хлихъ – яракъ.  
Я, чве Салман, куча чонгрик яв түубар,  
Ширин гъаваз, йив, юківар шад алруси.

Түубар кучси назук симар рахуйи,  
«Йиз бай наши?» күри бабси рагури.  
Салмназ бабан ва чонгрин сесер, ттархынай,  
Гъийихдарихъ алтурайи вуй гъарийр.

Сталинград азад хъубан шадвалиан,  
Чонгюр альхъюз хъюбгъю айи сеснаан.  
Арчул хилик зиян кайи Салманди,  
Гагулну хил алдабгъуй чонгрийилан.

Накъвар гъахъи шагъар цибди айинхъа,  
Фашистари дердер туву, кипну цла.  
Му чонгюрси гъалиб гъахъний инсанар,  
Дявдиз гъалиб гъашиганси къягъялар.



# ТАМАШИ

Гномариз  
девлетарихъна  
хъуркъуз  
кюмек апЛин.





Соколёнок

# Пази

5/2022

сентябрь – октябрь

Иллюстрированный детский журнал.  
Издается один раз в два месяца.

**Учредитель:**

Агентство информации и печати  
Республики Дагестан.

**Регистрационный номер**  
серия ПИ №ТУ05-00413 от 22.04.2019 г.  
выдан управлением Роскомнадзора  
по Республике Дагестан.

Издается с января 1990 г.

**Руководитель – главный редактор**  
М.М. Ахмедов

**Редколлегия:**

А. Исмаилов (зам. гл.редактора)  
Ф. Султанова (редактор выпуска)  
Д. Меджидова  
Г. Омарова  
Ш. Шахмурданов  
С. Кюребегова  
А. Абдурахманов  
Э. Ашурбекова

**Художественный редактор** З. Даганов  
**Технический редактор** Т. Лузина

**Художник номера** М. Муталибов  
**На обложке** – «Пастушок», Екатерина  
Кондрашина, художественная школа  
г. Каспийска.

Формат 60x84 1/8. Бумага офсетная.  
Уч.-изд. л. 3,4. Усл. печ. л. 3,26.  
Физ. печ. л. 3,50.

Выход в свет 08.10.2022 г.

Тираж 245 экз.

Заказ №1287.

**Типография:**

ООО «Издательство «Феникс-пресс».  
**Адрес типографии:** 367018, РД  
г. Махачкала, ул. Петра I, 61.

**Редакция и издатель:** Государственное  
бюджетное учреждение Республики Дагестан  
«Редакция республиканских литературных  
журналов «Соколёнок»  
и «Литературный Дагестан».

**Адрес редакции и издателя:**  
367000, РД, г. Махачкала, ул. Даниялова, д.55.

**Электронный адрес редакции:**  
litdag@mail.ru

Табасаранский язык.

Индекс: на год - 31170,  
на полугодие - ПМ993.

Цена свободная